

ELECCIÓN CGA 2018

INSTRUCCIÓN

Censo electoral

O censo electoral será exposto publicamente no domicilio e na páxina Web da FEGAN (www.fegan.org).

Para a inclusión no censo electoral é necesario ser árbitro/a territorial en activo e, ademais, estar en posesión de licenza territorial da FEGAN nas dúas últimas tempadas (presente tempada e a anterior), acreditando a súa participación nas competicións ou actividades de carácter oficial e ámbito territorial.

As reclamacións ao censo electoral deberán formalizarse dentro do prazo previsto no calendario electoral, mediante escrito en modelo oficial (atópase na Web da FEGAN), dirixido ao domicilio social da FEGAN.

Candidatos á presidencia do CGA.

Os requisitos para presentar candidatura á Presidencia do CGA, serán os seguintes:

- Non incorrer en causas de inelixibilidade.
- Estar na lista do censo electoral.
- Non ter imposta sanción deportiva firme que inhabilite para o desempeño de cargo federativo algún.
- As candidaturas a Presidente/a do CGA, deberán formalizarse polas persoas interesadas mediante escrito de presentación, en modelo oficial (atópase na Web da FEGAN), dirixido ao domicilio social da FEGAN, incluíndo a súa filiación, domicilio, veciñanza, data de nacemento, e fotocopia do DNI con firma autógrafa á marxe.

Mesa electoral

Formarase unha mesa electoral que estará composta pola persoa electora de maior idade, que exercerá a Presidencia da mesa, e pola de menor idade, que se encargará da Secretaría da mesa. Non poderán formar parte da mesa as persoas candidatas.

Designaranse como suplentes as persoas electoras de maior e menor idade que sigan ás titulares.

A mesa electoral constituirase no domicilio social da FEGAN.

Funcións da mesa electoral

Son funcións da mesa electoral:

- Comprobar a identidade dos votantes.
- Recoller as papeletas e introducilas na urna.
- Efectuar o escrutinio e redactar a acta, na que se consignará o número de persoas electoras, os votos válidos e nulos, o resultado dos comicios e as incidencias e reclamacións que eventualmente se produzan, así como as manifestacións que, no seu caso, formulen as persoas interventoras, de todo o cal dará coñecemento inmediato e puntual á FEGAN. O orixinal da Acta permanecerá nas oficinas da Federación para o seu arquivo.

Votación

O voto efectuarase nas papeletas oficiais elaboradas pola FEGAN, non admitíndose outras.

O sistema de votación desenvolverase da seguinte forma:

- A Secretaría da Mesa comprobará a identidade dos votantes, e a Presidencia da Mesa introducirá a papeleta na urna prevista para o caso.
- Rematada a votación persoal, incluídas as persoas que forman parte da Mesa que o farán en último lugar, a persoa encargada da Secretaría abrirá os sobres recibidos por correo, procedendo a Presidencia a introducir na urna o sobre pechado que contén a papeleta do voto.
- Considerarase nula calquera papeleta que inclúa máis nomes que persoas a designar, así como a que conteña nomes de persoas que non teñan candidaturas válidas.
- En caso de haber unha única candidatura, non se procederá á votación, e esta persoa será a proclamada para exercer a Presidencia do CGA.

Voto por correo

Admitirase o voto por correo para quen o solicite (por correo postal ou correo electrónico) en modelo oficial (atópase na Web da FEGAN), dirixido ao domicilio social da FEGAN e para ser válido precisará o requisito de terse remitido a través dos servizos postais, de transporte, mensaxería ou calquera outro medio, en sobre pechado.

Para garantir o segredo do voto, utilizarase o sistema de dobre sobre, habilitándose para iso uns sobres especiais que cada persoa electora recibirá no seu domicilio, ou poderá retirar na sede da FEGAN.

O procedemento para exercer o voto será o seguinte:

- Haberá un sobre de menor tamaño no que o elector introducirá a papeleta de voto.
- Unha vez pechado este primeiro sobre, introducirase no segundo sobre xunto coa fotocopia do dni con firma autógrafa á marxe.
- Este segundo sobre, onde constará o nome da persoa electora, remitirase á sede da FEGAN.
- A Mesa Electoral só aceptará os votos por correo que lle foron entregados antes do inicio do recento.
- O voto en cuestión deberá obrar na sede da FEGAN o día da elección que será o 25 de xaneiro de 2019.
- Se unha mesma persoa subscribise dous ou máis votos por correo consideraranse nulos.
- Se unha persoa electora acudíse á mesa electoral para emitir o seu voto téndoo efectuado xa por correo, este terase por non recibido.
- As persoas candidatas poderán designar unha persoa interventora, calidade que deberá de acreditarse ante a Presidencia da Mesa, e a súa función limitarase a presenciar o acto de votación e do escrutinio, con dereito a que se recollan na acta correspondente as manifestacións que desexe formular sobre o desenvolvemento do acto electoral.
- A designación da persoa interventora formalizarase por escrito, obrigándose a acreditar a súa calidade cando se lle requira.

Escrutinio

Concluída a votación, a Mesa Electoral procederá ao correspondente escrutinio, levantará a acta, especificándose os votos emitidos (válidos, nulos e en branco) que asinarán todas as persoas membras da mesma, así como as persoas interventoras designadas polos candidatos, se as houbese, e remitirá copia dela

á FEGAN, así como o nome da persoa que resultou elixida e aquela procederá á súa proclamación provisional.

Expoñeráse, no domicilio social e na páxina Web da FEGAN, o resultado das eleccións.

Os resultados da elección poderán ser impugnados mediante escrito dirixido á FEGAN.

Transcorrido o prazo establecido para estes recursos no calendario electoral, procederase á proclamación da persoa que exercerá a Presidencia do Comité Galego de Árbitros.